

➤ **The Simple Truth** About God's Love for You ◀

**IBAGAM KADAKUADA,
AY AYATEK IDA**

tell
them
I love
them

• ILOCANO EDITION •

JOYCE MEYER
#1 *NEW YORK TIMES* BESTSELLING AUTHOR

IBAGAM KADAKUADA

Ay-Ayatek Ida

Panangawat Ti Palti-ing
Maipapan Iti Ayat Ti Dios

JOYCE MEYER



NEW YORK BOSTON NASHVILLE

WORD OF HOPE CHURCH
1103 EDSA, Pro. 7, Quezon City
(Across SM Annex)
Tel. No. 373-30-41 to 44

Pangpatalged a kukua ti nagsurat 2003, 2007 Joyce Meyer

Nainkalintegan a panagtagikua. Kas sagudayen ti US/ Copyright Act of 1976, ti panag-*scan*, panag-upload, iti electronic a pamayan iti aniaman a paset daytoy a libro ket saan nga ipalubos ti nagsurat agsipud ta maikontra iti linteg, ken maibilang nga panagtakaw iti kapanunutan. No adda sinasinuman nga mangusar ti naguneg daytoy a libro, masapul nga dumawat iti “naisurat a pammalubos” manipud iti nagsurat. Mabalina yo nga pakaammuan babaen iti panagsurat idiaa permission@hbgusa.com. Agyaman kami la unay iti panangsuporta yo iti makinkukua iti daytoy a libro.

Malaksid no naibaga, amin nga Scriptura ket manipud iti Amplified Bible (AMP) Copyright 1954, 1962, 1965, 1987 manipud iti LockmanFoundation. Nangited iti pammalubos.

Ti Scriptura nga adda marka na nga NKJV ket manipud iti New King James Version. Copyright 1979, 1980, 1982 iti Thomas Nelson, Inc.

Ti Scriptura nga adda marka na nga KJV ket manipud iti King James Version ti Biblia.

FaithWords
Hachette Book Group
237 Park Avenue
New York, NY 10017
www.faithwords.com
Nilimbag sa Estados Unidos
Unang Edisyon: Pebrero 2003
Muling Paglilimbag: Oktubre 2007
14 13 12 11 10

Ti Faithwords ket paset ti Hachette Book Groups, Inc.

Ti nagan ken logo ti Faithwords ket kukua ti Hachette Book Group, Inc.

Ti Hachette Speakers Bureau ket addaan iti nalawa nga listaan dagiti mannurat. No tarigagay yo pay iti ad-adu a pannakaammo: www.hachettespeakersbureau.com wenno tawagandak (866)376-659

Walang kinalaman ang tagapaglimbag sa website (o nilalaman nito) na hindi pag-aari ng tagapaglimbag.

ISBN 978-0-446-69205-2

LCCN 2002115636

NILAON TI LIBRO

Pakauna A Sarita

1.	Ti Dios Ay-ayaten naka!	1
2.	Umanay kadi ti kinaimbag ko?	9
3.	Ti Ayat ket Maysa A Relasyon	19
4.	Panagayat, Panagtalec, Ken Panamati	27
5.	Wayawaya Manipud iti Panagbuteng	35
6.	Ti Ayat Danonen Naka	41
7.	Ti Ayat ti Dios Balbaliwan Naka	47
	Mapadasam Ti Baro a Biag	51



PAKAUNA A SARITA



Ti kangrunaan nga kasapulan ti tao nga napatpateg pay ngem kadagiti isuamin ket isu iti personal nga pakaammo maipapan iti ayat ti Dios. Daytoy a pannakaammo ket isu ti kangrunaan a pundasyon tapno agbalin a naballigi ti maysa a Kristiyano. Saan a masapul ti kinalaing ti isip maipapan iti ayat ti Dios. Kasapulan kadagiti puso tayo ti pannaka-awat maipapan iti ayat ti Dios. Ti laeng Nasantuan nga Espiritu ti makaited kadatayo kabayatan nga adalen tayo dagiti sao na a sikakararag ken sipapanunot Kenkuana. Pinaneknekan ti Dios ti napudno nga panagayatna para kadatayo amin a tattao ditoy lubong idi inbaon na ti bugbugtong nga Anak na tapno mailansa idiay krus. Babaen iti dayta nga sakripisyo sinubbot na tayo amin manipud kadagiti basbasol tayo.

Kalpasan iti adu nga tawtawen nga nagbalinak a mariribukan nga Kristiyano, naawatak met laeng ti napudno nga panagayat ti Dios. Ti Dios pinaraburannak ket pinaltiingan nak babaen iti Nasantuan nga Espiritu maipapan iti personal nga ayat na kaniak. Dayta nga panakaammo ket isu ti nangbalbaliw iti sibubukel nga biag ko ket immun-uneg pay ti pannakipagnak Kenkuana.

Pakauna a sarita

Kararag ko nga dagiti mabasa yo iti daytoy a libro ket ikkan na kayo iti kabar-baro nga pannaka-awat ken pannaka-ammo maipapan iti ayat ti Dios. Mamatiak nga ikkan na kayo iti baro a panagbisin ket maaddaan kayo iti tarigagay nga umun-uneg pay iti ayat ti Dios. Idawat ko nga basaen yo daytoy a libro a sipapakinakem, usarem tapno agserbi a maysa a tulong, usigem ken adalem dagiti bersikulo nga nailanad manipud iti Nasantuan a Surat.

Ipaay ko a sipapakumbaba daytoy a libro, agsipud ta ammok nga awan ti adda kaniak no maisinaak iti Dios ken aniaman nga panaka-awat ken pannakaammo iti sao na ket naited kaniak babaen laeng iti parabur na.



TI DIOS AY-AYATEN NAKA

“Ta kasta la unay ti panagayat ti Dios ditoy lubong nga inted na ti Anak na a bugbugtong, tapno siasinuman a mamati Kenkuana saan a mapukaw no diket maaddaan iti biag nga agnanayon.” Juan 3:16

Ti Dios tarigagayan na ti pamilya, isu nga pinarsua na tayo tapno agbalin tayo nga annak na. Saan na nga kayat nga agtalinaed tayo a kas nakapuy; Il-iliwen ti Dios nga agtignay tayo nga nabilig: kas annak nga lallaki ken babbae. Tarigagay na nga agtalik ken agsanggir tayo Kenkuana, ayaten tayo isuna, ket ragsaken tayo met ti panagayat na kadatayo. Kayat na nga agtalek tayo Kenkuana, kanayon nga mapan kenkuana nangruna no addaan tayo kadagiti kasapulan. Tarigagayan na la unay nga mapasayaat ti personal nga relasyon tayo kenkuana.

Kaaduan na kadatayo ket panunuten tayo nga ti Juan 3:16 ket nalawa ti kayat na a sawen. “Wen pudno, ammok nga ni Jesus ket natay para iti intero a sangalubungan,” Ti “lubong” ket saan laeng a balikas nga

Ipakaammom ti panagayat ko kadakuada

mangilawlawag maipapan kadagiti adu a tattao nga isuda ti rason no apay nga natay ni Jesus. Natay para iti tumunggal maysa a tattao, para kenka ken kaniak! Uray pay siksika ti laeng to tao ditoy lubong matay latta ni Jesus para kenka. Sinagrap na a sipapakinakem ket inibturan na dagiti rigrigat agsipud ta inayat naka. Ti Dios inayat naka la unay babaen iti agnanayon nga ayat (Jeremias 31:3).

Iti maysa nga aldaw kabayatan nga agmanmaneho ak, kinuna ni Apo Dios kaniak , “Joyce, maiyarig ka iti bukel-bukel iti matak.” Ngem ti diyablo dagus nga immay ket nagsaludsod, “saan aya nga dayta ket bin-ig a kinaulbod? Siasino ka aya iti panagkunam?” Ngem napanunot ko, “Nasken nga saan nga agtalinaed ti kasta nga isip kaniak.”

Ti panangusig nga naidumduma ka, nga addaan kadagiti nadumaduma nga sagsagut, talento, ken abilidad, ket maikontra iti nataoan a kapanpanunutan dagiti tattao. Ti kinapudno na tunggal maysa kadatayo ket naidumduma ken naisang-sangayan ti panangparsua iti sangoanan ti Ama. Ti Dios tarigagay na nga agduduma ti kasasaad ti tumunggal

Ti Dios Ay-ayaten naka

maysa, saan nga masapul nga madi ti rikna tayo no saan tayo nga kapadpada dagiti sabali a tattao.

Kabayatan nga panpanunotek dagiti banbanag nga impaka awat ti Dios ditoy pusok, naimatangak ti maysa a babae nga sitatakder ket naka linya iti atiddug a linya dagiti gumatgangang iti mansanas. Kinita na ti mansanas ket pinidut na ti kasayaatan a napili na. Nangted ti mensahe ti Dios kaniak nga siak ket napili iti imatang na agsipud ta inpangpangruna nak. Pinatpateg nak la unay. Ammom kadi nga tunggal maysa kadatayo ket naidumduma iti imatang na?

Idi agdama nga pakaammo ti Dios kaniak dayta a kinapudno, saan ko a naawatan a dagus ti kayat na nga ipakaawat kaniak agsipud ta mariknak ti panagduadua maipapan iti panangpanunot kadagiti banbanag nga kinasayaat ti kasasaad ko. Kalpasan iti dua nga aldaw, linuktak ti Bibliak idiy Salmo 17:8, ket idiy nabasak a nalawag maipapan iti kinapudno nga naipalti-ing kaniak: “Iyalluadnak kadi a kas iti tao-tao ta matam; ilemmengnak iti baba ti salinong dagiti payak mo.” Ket kinunak, “Wow, talaga nga ti Dios ti nagsao. Siak ti tao-tao kadagiti mata ti Dios.” Nanipud idin

Ipakaammom ti panagayat ko kadakuada

mariknak nga inpangpangruna nak ti Dios gapu iti daytoy a kinapudno. Ammom kadi nga kayat ti Dios nga masapul a riknaem nga napateg ka, naidumduma ka ken ayayaten naka la unay?

Amin nga tattao ket addaan iti tarigagay nga adda mangayat kadakuada. Pinarsua na tayo ti Dios iti kasta a kasasaad. Adu nga tattao ti mamati nga ti Dios ket inayat na ti intero a lubong, ngem saanda a magaw-at a patien nga ti Dios ket nagayat kadakuada kas iti kina-isuda. Ti Sao ti Dios ket isuro na nga ti Dios ket inayat na tayo kas iti panangayat na ken ni Jesus: “Ti Ama inayat na unay ti Anak ket inpakitana amin nga araramid na kenkuana. Ket ipakita nanto pay dagiti daddadakkel nga ar-aramid ngem dagitoy, tapno agsiddaaw kayo.” (Juan 5:20). Ti Dios ibaga na ditoy iti kastoy, “Ar-aramidec dagitoy dadakkel a banbanag babaen ken ni Jesus, ken daddadakkel pay a banbanag ti aramidec babaen ken ni Jesus tapno agsiddaaw kayo.”

Kayat ti Dios nga pagsiddaawen na tayo babaen iti panagaramid na kadagiti dadakkel a banbanag tapno maragsakan ken agrag-o tayo. Mabasa tayo dagitoy a kinapudno manipud iti Nasantuan a Surat,

Ti Dios Ay-ayaten naka

ngem kanayon nga saan tayo a mailasin ti kayat ti Dios para kadatayo. Tarigagay ti Dios nga maawatan tayo nga adu dagiti mabalin tayo nga maaramidan babaen ken ni Apo Jesus. Isu nga masapul nga patien tayo nga daddadakkel pay dagiti maaramidan tayo babaen Kenkuana. “Pudno, pudno, kunak cadakayo, ti mamati kaniak, dagiti aramid nga aramidek, aramidennanto met, ket daddadakkel to pay ngem dagitoy ti aramiden na, ta innak ken Ama.” (Juan 14:12).

Adu dagiti ar-aramiden ni Apo Dios para kadagiti tattao iti inaldaw aldaw agsipud ta ay-ayaten na ida ngem ti tao saan da nga mailasin dagitoy a kinaimbag. Iti inaldaw-aldaw ti init lungak, lungak a para kenka ken kaniak. Dagiti agduduma nga sabsabong agrangpaya da nga mangited iti rag-o kadagiti makaimatang kadakuada. Ti lubong nga pinarsua ti Dios a maipaay kadatayo ket kasta unay ti pintas na. Daytoy ti lugar nga pagtaengan tayo isu nga masapul nga agyaman ken agrag-o tayo kabayatan nga agbibbiag tayo ditoy lubong. Iti Genesis 1 ibagana “nga ti Dios inikkan na ti tao iti turay tapno iturayan na dagiti isuamin nga adda ditoy lubong ket usaren na nga pagserbi iti Dios ken iti tao.

Ipakaammom ti panagayat ko kadakuada

No ti tudo ket agtudo a maiyataday iti panawen na, agtudo nga para kenka. No ti yelo ket agtinnag, agtinnag nga para kenka. Dagiti amin nga addang mo ket inyurnos ni Apo Dios, ket kanayon naka nga sipsiputan ken ayaywanan.

Iti Deuteronomio 7:9, saritaen na, “Ammoem a ni Jehova a Dios mo, isu ti Dios; ti pagkammatakan a Dios, salimetmetan na ti tulag ken panangngaasi kadagiti agayat kenkuana, ken agtungpal kadagiti tulag na, agpapan iti rinibribu a kapkaputotan.”

Ti ayat na para kadatayo ket agnanayon ken nabuslon. Adu kadatayo ti agpanunot nga napasaktan tayo ti Dios gapu kadagiti panagkammali ken pannakatnag tayo. Ngem ti Dios saan nga sumardeng nga mangayat kenka gapu laeng kadagitoy nga panagkammalim. Ti panagayat ket saan laeng nga aramid ti Dios, ti Dios mismo ket ayat.

No panunotem nga sika ti maysa a tao nga kasta unay ti kinadakes na nga ayaten ti Dios, kammali dayta nga kapanunotam. Awan ti nauneg nga abut nga saan nga madanon ti Dios tapno ilap-aw naka. Ti Dios kayat naka nga isubli idiay dati nga kasasaad mo nga nasayaat. No naimpusuan

Ti Dios Ay-ayaten naka

nga nagdawat ka iti pammakawan, saan naka laeng nga pakawanen, lipaten na pay ken ikkaten na amin nga basol mo kas kaadayo ti laud ken daya (Salmo 103: 10-14 AMP).

Mabalin nga kinunam, “Inawat ko ni Apo Jesus ditoy pusok ken ay-ayatek isuna.” Ngem saludsudek kenka, kasano ka kasigurado nga talaga a pinatim nga ti Dios ket inay-ayat naka?

Ti agnanayon, ken awanan kondisyon nga ayat ti Dios ket nalaka laeng a maawatan nga mensahe, dagitoy ket napateg unay nga sursuro tapno agbalin nga natibker a pundasyon tapno maawatam dagiti sumarsaruno pay a sursuro. Mamatiak nga dagitoy ti pangrugyan ti apag-isu a pannakaagas iti biag tayo nga mairelasyon ken ni Apo Dios.

Uray pay no kasano ti panangsukisok ken panangadal mo kadagiti banbanag maipapan iti Dios, no saan mo nga maawat ti kinapudno nga inayat naka ti Dios, sigurado nga saan ka a dumakkel iti pannakipagnam Kenkuana. Inawat tayo daytoy manipud iti Dios babaen iti pammati, uray pay ti pammati agrabaho babaen iti ayat (Galatia 5:6). Malaksid nga inawat mo ti ayat ti Dios, saan ka nga makaawat iti aniaman a banag.

Ipakaammom ti panagayat ko kadakuada

Ti ayat ti Dios aramiden na tayo nga agbiag nga awanan iti panagbuteng (1 Juan 4:18), nga isu iti kapatgan tapno agbiag tayo kabayatan nga tungpalen tayo ti rason a nangparsuaan ti Dios kadatayo. Awatem ti inpaay ti Dios nga ayat kenka kabayatan nga tungtungpalen ti plano ti Dios. Daytoy ket saan nga mabalin nga ilako; saan mo mabalin nga gatangen babaen iti panagaramid iti naimbag, ti laeng mabalin mo nga aramiden ket awatem agsipud ta libre nga ited ti Dios.

2



UMANAY KADI TI KINAIMBAG KO?

“Dayta nga namnama ket saan nga isu ti mangupay wenna mangpabain kenka agsipud ta ti ayat ti Dios ket naiparukpok kadagiti puso tayo babaen iti Espiritu Santo. Kabayatan nga addaan tayo iti kinakapuy (kinakapuy nga mangtulong iti bukod a bagi), iti apag-isu a panawen natay ni Kristo para kadagiti managbasol. Nakakaskasdaaw la unay no ti maysa ket ipaay na ti biag na para kadagiti managbasol, numan pay mabalin nga adda ti mangisakrificio iti biag na ket matay para iti nasayaat ken managayat nga tao. Ngem ti Dios inpakita na ken pinaneknekan na ti panagayat na kadatayo nga idi nga managbasol tayo, ni Kristo (ti Messias, ti Napulotan) natay gapu kadatayo.

Nagbalin tayo a nalinteg gapu iti dara ni Kristo. Tapno maisalakan tayo manipud iti pungtot ti Dios. Ta no idinto a kabusor tayo, naikappia tayo iti Dios gapu iti ipapatay ti Anak na, nangnagrana pay ita, ta naikappia tayon, maisalakan tayto maipupon iti biag na.” Roma 5:5-10

Ipakaammom ti panagayat ko kadakuada

Adu kadatayo ti mamati nga ti Dios ay-ayatenna tayo kabayatan nga nasayaat tayo. Adu a tattao ti saan nga mangayat kadagiti bukod da a bagi, isu nga panunoten da nga ti Dios ket saan a maragsakan kadakuada. Ti Biblia saritaen na, “Siasino ti tao, tapno sipapanunot ka kenkuana? Ket ti anak ti tao, tapno sumarungkar ka kenkuana?” (Salmo 8:4). Datayo ket pinarsua ti Dios, ken inayat na tayo agsipud ta ti Dios ket ayat (1 Juan 4:16). Ti Dios inayat na tayo agsipud ta isu ti kayat na!

Inayat na ka ti Dios gapu ta naidumduma ka. Kayat na nga sawen awan ti kapad-padam. Saan nga masapul nga sika ket agbalin ka a kas kaniak, kasta met saan a masapul nga agbalinak a kas kenka. Sika ket agbalin a nakaka-asi no busbusem ti biag mo nga ikokompara ken maki-kompetensya kadagiti sabsabali. No dagitoy ket inaramid mo, mangmangted ka ti gundaway iti kabusor tapno ibaga na kenka nga saan ka a nasayaat. Ti kinapudno na, iti sangoanan ti Dios, saan nga masapul nga agbalin ka a naimbag. Agsipud ta ni Jesus ket isu ti pudno a naimbag. Innala na ti lugar mo idi nga binayadan na dagiti basbasol mo ket linak-am na ti pannakadusa nga sika koma ti agsagrap.

Ti Biblia saritaen na nga no inayat naka

Umanay kadi ti Kinaimbag ko?

ket natay a para kenka idi managbasol ka pay laeng, saan aya nga nasay-sayaat pay itan ta napalinteg kan babaen ti dara na (Roma 5:8-9)? Sigurado nga inayat naka ket kaloban na amin nga kammalim agsipud ta dinalusan naka kadagiti amin nga basol mo.

Adda ditoy ti maysa a pagwadan no kasano nga ti Dios ket makita na dagiti kammali ken pagkurangam. Panunotem ti maysa nga bassit nga ubing nga agtawen iti agarup tallo wenno uppat nga kanayon nga mangsipsiput ken ni Nanang na nga agtrabtrabaho idia uneg ti pagtaengan da. Ay-ayaten na ni Nanang na ket nangala met iti timba nga napunno iti danum. Nangala pay iti punas ket napan idia paladpad ti tawa tapno linisan na. Lininisan na a nasayaat ken nangala pay iti tuwalya tapno malinisan na unay diay sarming ti tawa ti pagtaengan da.

Agsipud ta saan met nga nairuam diay ubing nga aglinis, ti resulta na ket daydiay sarming nga lininisan na ket adu latta ti nabati nga rugit na, adu pay ti sabon nga saan a naikkat uray inusar na diay us-usaren ni nanang na nga paglinis. Kalpasan na, napan ken ni nanang na ket nainayad

Ipakaammom ti panagayat ko kadakuada

nga iyebkas na iti, “Mommy, Mommy, lininisak daydiay tawam. Inaramid ko ti amin a kabaalak nga nanglinis. Sana insilpo nga inbaga,” Ay-ayaten ka Mommy.”

Ti naayat nga ina kinuna na, “Nagsayaat dayta nga inaramid mo anak. Agyamanak la unay iti panangtulong mo kaniak.” Idi nga ti anak na ket nakumikom nga agar-aramid iti sabali a trabaho, sinayaat nga lininisan ni nanang na dagiti wara ti anak na. Kalpasan na, pinatibker na ti rikna ti anak na nga no adda ti trabaho nga aramiden na ket masapul nga dumawat ti tulong no saan na nga ammo ti aramiden na ken iti aniaman nga trabaho nga sangwen na masapul nga aramiden na iti apag-isu a panagtrabaho.

Kastoy ti inaramid ti Dios para kadatayo. Mabalín na nga itrabaho dagiti amin nga banbanag para iti pagimbagan dagiti amin nga nagayat kenkuana ken naayaban nga maiyataday iti panggep na (Roma 8:28). No ar-aramidem ti maysa a banag iti amin a kabaalam kas idiyay ammom nga apag-isu a pamay-an, maliwliwa ni Apo Dios no inaramid mo ti maysa a banag a kas idiyay kabaalam. Saan na nga namnamaen nga maaramid mo ti maysa a banag no saan mo a kaya nga

Umanay kadi ti Kinaimbag ko?

aramiden. Ni Apo Dios kayat na nga tulungan ti siasinuman nga agpursigi nga mangaramid met iti amin a kabaelan na nga sumayaat. Mabalin naka nga balbaliwan ni Apo Dios tapno maiyataday ka idiay ladawan na ket maidayaw isuna kabayatan iti inaldaw-aldaw a pannakipagnam kenkuana (2 Corinto 3:18).

“Ta ti imbaon ti Dios, saoen na dagiti sao ti Dios; ta ti Dios saan na a rucrukoden ti Espiritu nga ited na. Ti Ama ayaten na ti Anak, ket amin dagiti banag impaimanan kenkuana.” (Juan 3:34-35).

Iti maysa nga aldaw kabayatan nga adadalek daytoy a bersikulo, nakasangitak gapu ta napnuanak iti rag-o idi nga nailasin ko nga ti Dios ket saan na tayo nga pinanawan gapu ta inted na ti Espiritu Santo. Saan na laeng nga inpaay dagiti naimbag a banbanag agsipud, “ta mabalin na ti agaramid iti di matukod nga ad-adu ngem iti dagup iti isu-amin a mabalin tayo a dawaten, wenno panunoten, kas iti pannakabalin nga agaramid kadatayo.” (Efeso 3:20).

Iti Deuteronomio 7:6-7, saritaen na, “Ta sika ti umili a nasantoan ken Jehova a Dios mo: ni Jehova a Dios mo pinili na ka nga ili

Ipakaammom ti panagayat ko kadakuada

tapno tagikuaen naka nga ipangpangruna ngem ti dagup amin nga il-ili nga adda iti rabaw ti daga. Ni Jehova saanna nga inpaay ti ayat na kenka, wenno pinilina ka, gapu ta ad-adu kayo iti bilang ngem ti sabali nga ili; ta dakayo ti kababassitan idi kadagiti amin nga il-ili.”

Umanay dayta nga mangted iti naan-anay a rag-o. Ti Dios kinuna na, “Intuding ko ti ayat ko kenka, ket kunaek kenka nasantoan ka. Ibagak kenka nga sika ket naidum-duma. Pinili ka, saan nga gapu ta nasingpet ken nakakaskasda-aw ka ngem agsipud ta ay-ayaten ka.” Ammom kadi no ania ti kayat nga aramiden ti Dios kenka ita nga aldaw? Kayat na nga awatem ti ayat na a para kenka. Isardeng mo nga ibag-baga dagiti amin nga kammali iti Dios agsipud ta ammo na amin nga banbanag maipapan kenka. Ammo na amin agraman dagiti kammali nga maaramid mo aglalo intono maaddaan ka iti relasyon kenkuana.

Ti kadakkelan nga problema dagiti kaadduan kadatayo ket isu daydiay saan tayo nga panangayat kadagiti bukod tayo a bagi. Saan tayo nga pasien nga ti Dios ket isu ti nangayat kadatayo. Inpapan tayo nga siasino koma ti mangayat kadatayo, nakaka-asi ti

Umanay kadi ti Kinaimbag ko?

kasasaad tayo. Gapu iti kasta a kasasaad, amin nga panag-gunay tayo ket saan nga makaay-ayo iti siasinuman. Saan mo nga mailap-aw ti bukod mo nga kasasaad nga nangat-ngato ngem iti agdama a kasasaad ti pusom.

Ti kadakkelan nga problemak ket isu daydiay saan ko a panangayat iti bukod ko a bagi, ket gapu iti dayta binusbus ko ti adu nga oras tapno mabalbaliwan ti panagpanpanunot ko. Nausig ko ti bagik nga nalaingak unay nga agsao, isu't gapuna nga pinadas ko nga agulimek. Ngem intono naulimekak, mariribukanak unay ken kasta unay ti ladingit ko. Tarigagay ko nga ipakaammo kadagiti amin no ania ti rason no apay nga naulimekak. Ngem naimula iti panunot ko, nga nalaingak unay nga agsao. Adaywan nak, kayat ko ti agmay-maysa! Tarigagayak nga talaga ti agulimek.

Saan ko nga mailaw-lawag no mano nga taw-tawen ti binusbos ko iti kasta a kasasaad ket nagtultuloy nga nariribuk ti biag ko gapu iti ngiwat ko. Adu nga tattao ti nalaing nga agsao nga naka-asawa iti naulimek ken napnuan kadagiti palimed. Gapu iti dayta kumarkaro pay ti pannakariribok ko gapu iti panagsaok, ket ti diablo kanayon na nga ipalagip kaniak dayta a pagkapuyak.

Ipakaammom ti panagayat ko kadakuada

Tarigagayan ti Dios nga tunggal maysa ket mawayawayaan manipud iti panangpabpabasol ti kabusor. Kasapulam ti naan-anay a pammati ken tured tapno magun-od mo ti wayawaya. Ammom kadi nga awan ti umanay a gatad a pangbayad kadagiti kammali ken basol nga naaramid mo? Ti panamati nga ti Dios ket inayat naka numan pay nakaaramid ka iti basol ket dakkel unay a karit.

Ti diablo parigaten na ti kapapanunotam nga dakes ka la unay. Kunaen na, “Nalpaskan, “Siasino ka aya iti panagkunam?” Saan na ka nga bendisyonan ti Dios.” Saan ka a mabalin nga agbalin a saksi iti kaanuman. Ni kaanuman nga usaren na ka ti Dios. Saan nga sungbatan ti Dios ti kararag mo. Awan a pulos ti mabalin mo nga aramiden.”

Tured ken natibker a pammati ti kasapulan tapno makapagtakder ka ket mabalin mo a saritaen, “Ama, nagkammaliak, pakawanen nak. Naimpusuan ti panagdawat ko iti pammakawan. Subliam ti diablo. Ipalagip mo kenkuana nga binayadan ni Jesus amin a basbasol mo ket pinakawan nakan, nawayawayaan kan kadagiti amin a basbasol mo. Itan, mapan ka ken ni Apo Dios, mamati ka Kenkuana, sagrapem dagiti naimbag

Umanay kadi ti Kinaimbag ko?

a banbanag, ket agbalin ka a bendispon kadagiti sabsabali.

Ngem mabalin nga panpanunotem, ar-aramidek dagiti awan serserbina nga banbanag. Iti kinapudnona, kan-kanayon ko a panpanunoten dagiti napalabas a basbasol ko, ngem itan nagdesisyonak nga saanen a marigatan ti panunot ko a mangpanpanunot kadagiti napalabas a basol ko.

Ti basol ket isu ti mangipababa ken mangbalud kenka tapno riknaem nga awan a pulos ti pamay-an tapno mawayawayaan ka. Pakapuyen naka ket isu pay ti mangaramid nga nalaka ka a matnag iti agsasaruno a panagaramid kadagiti agduduma a basol. Kasapulam iti tured tapno maawat mo ti regalo ti Dios a pannakapakawan. Masapul nga agtignay ka babaen ti pammati ket tubngarem ti panangguyugoy ti nataoan a riknam nga agaramid ti basol. Ti kabusor kunaen na, “kayat mo kadi a saoen mayat latta ti riknam uray ania ti mapasamak? Apay? Masapul nga adda ti riknam nga madi, uray sumagmamano nga oras laeng. Talaga nga nagdakes ti inaramid mo.” Ti laeng mabalin mo nga ibaga ket, “Saan, saan nga kasta ti riknak. Awan ti mariknak nga madi kadagiti

Ipakaammom ti panagayat ko kadakuada

aniaman a dakes a napasamak.” Iti umuna a gundaway nga aramidek dayta ket nadagsen unay, ngem kabayatan nga bumayag ket lumag-an to met laeng.

Iti Isaias 53, mabasa tayo no kasano nga ni Jesus ket innala na bagiti amin a basol tayo, innala na ti lugar nga datayo ti masapul a makondinar. Ti diablo saan na kayat nga mawayawayaan ka manipud iti pannakakondinar. Apay? Agsipud ta no nakondinar ka, saan mo a pulos nga mapadasan ti ayat ti Dios. Ti basol ket isu ti mangisina kenka iti Dios ket ni kaanuman nga mariknam ti presensya na. Saan mo met a mailasin ken marikna ti aramiden ti Dios.

Magna ka nga nawayawayaan manipud iti basol ket patiem nga ti Dios ket inted na ti umanay a parabur na tapno mailapsut ka iti pannilod na. Ay-ayaten naka ti Dios ket ti parabur ken pammakawan ipaay na a regalo kenka. Awatem ita a kanito!



TI AYAT KET MAYSA A RELASYON

'Ket dakami naammoan mi, (naawatan, mailasin, mariknam babaen iti panangpaliw ken panagobserbar ken pannakapadas) ket pinati mi ti ayat ti Dios nga adda kadatayo. Ti Dios isu ti ayat; ket ti agtalinaed iti ayat, agtaeng iti Dios ket ti Dios agtaeng kenkuana." - 1 Juan 4:16

Kasano iti pamay-an tapno nalak-laka nga mailasin mo ti ayat ti Dios? Uray pay no ay-ayaten naka, no saan mo nga mailasin ti ayat na, saan a makatulong kenka. Saan aya nga nagsayaat ti rikna no adda mangipakita iti nalaus nga panagayat na kenka. No maammuam nga adda mangay-ayat kenka ikkan naka iti natibker a pakinakem. Ti Dios ay-ayaten naka, ket kayat na nga ipakitam met dayta a panagayat. Awisen na ti tunggal maysa iti naun-uneg, ken naas-asideg pay nga personal nga relasyon Kenkuana. Tarigagayan na iti maimbitaran kadagiti amin nga aramid mo. Kayat na pay nga maaddaan ka iti agtultuloy nga

Ipakaammom ti panagayat ko kadakuada

panakisasao Kenkuana. Agsipud ta isu ket naimbag unay a gayyem. Addaan ka kadi iti pudno a personal nga relasyon ken ni Apo Dios? Saan nga gapu ta kunaem nga Kristiano kan ket ragrag-oem ti naasideg nga personal a relasyon iti Dios.

Maysa ak a nabayag a Kristiyanon sakbay nga naaddaanak iti napudno a pannakipagna ken ni Apo Dios. Kada Domingo kanayunak a mapan idiy kapilya ken mangipapaayak pay iti boluntaryo nga trabaho, ngem ti Dios ket saan nga isu ti sentro ti biag ko. Gapu iti dayta, mariknak ti kina-awan pagtungpalan ken dakkel a kawaw ti biag ko. Itan, Isu ti umuna a panpanunotek kada agsapa ken isu met ti maudi a panpanunotek tunggal rabii. Nasayaat unay ti panagkadua mi iti tunggal aldaw nga aglabas. Awanen ti tinarigagayak no di ti agserbi ken panangay-ayo iti Dios nga pagserserbiak. Ti Dios laeng ti makabael nga mangpunno iti kawaw ti sentro ti biag ti tumunggal maysa a tao ditoy lubong. Awan ti maikari a mabalin a pagkamangan ti siasinuman tapno punuan na dayta a kawaw iti biag ti tao. Kasano kaseryoso ti pannaki-relasyon mo iti Dios? Umanamong ka kadi nga isu ti agbalin nga

Ti Ayat ket Maysa a Relasyon

nangat-ngato ngem kadagiti isuamin iti biag mo? Mabalín mo kadi a kunaen kas iti inbaga ni Pablo: “Ta Kenkuana agbiag tayo, ken aggunay tayo, ket mataginayon ti kinatao tayo (Aramid 17:28).”

Ti Dios ay-ayaten naka, ket naidumduma ka kenkuana. Pinarsua naka tapno makipagmaymaysa ka kenkuana. Daytoy ti kadakkelan nga tarigagay na ken pagayatan na iti biag mo. Iyarasaas na dita pusom iti kada agsapa, “naimbag a bigat mo, ay-ayaten ka la unay.” No saan mo pay a nangnanggeg dayta nga inyar-arasaas na kenka, ipalubos mo ket patiem manipud ita nga dayta ti tarigay na nga iyebkas kenka.

Naimatangan ti maysa a gayyem ko nga iti kada agsapa ti Ama napan kadagiti amin a pagtaengan dagiti tattao. Napan ket nakipag-maymaysa ken nakisasa-o kadakuada. Nangala iti tugaw ken lamisaan ket nakipangan kadakuada. Ngem dagiti tattao saan da nga inkaskaso ti panangawag ti Dios kadakuada. Kanayon da nga ibaga iti Dios, “Agyan ka pay dita iti apagbiit. No malpas ko nga aramiden daytoy, makisaoak ton kenka. Maki-pagmaymaysaak ton kenka. Intono

Ipakaammom ti panagayat ko kadakuada

madamdama laeng Apo Dios.” Immay ti pananggudo ti aldaw. Pimmanaw ti Dios iti dayta a pagtaengan nga awan a pulos ti nakisao kenkuana. Tunggal maysa ket adu unay ti pakariribukan na nga ipagarup da nga importante isu nga awan ti panawen da nga para iti Dios.

Saan koma nga adu unay ti pakakumikumam. No awan ti panawen mo nga agkararag iti Dios, kayat na a sawen talaga nga makumikom ka la unay. Masapul nga maaddaan ka ti panawen nga mangibaga iti Dios nga isu ket ayayatem. Amin a banbanag ket aglabas da, ngem ni laeng Apo Dios ti mataginayon iti agnanayon. No awanan ka pay iti relasyon kenkuana masapul nga awatem itan agsipud ta no itantantan mo pay baka maladaw ka.

Idi sibibiag pay ni tatang ko, maragsakanak nga mangibaga nga inawat na ni Apo Jesus a kas mannubbot ken mangisalakan na. Kalpasan iti tallo a tawen pimmusay. Numan pay ni tatang ko ket napanen idiy langit, saan na a naganas ti nakapagbiag iti naballigi a panagbiag iti sidong ti Dios. Saan mo koma nga ipalubos nga dumteng ka iti pungto ti biagmo nga

Ti Ayat ket Maysa a Relasyon

napnoan iti panangpabasol iti napalabas gapu ta dinadael mo ti biagmo kadagiti awan serbi na a banbanag iti daytoy a lubong. Ti oras wenno tiempo ket napateg a regalo manipud iti Dios, masapul a busbusen daytoy iti apag-isu a pamay-an.

Laglagipem, “no ti tiempo ket nabusbos saanen a pulos nga mapasubli.” Ti tiempo nga kaduam ti Dios ket nasayaat unay a gunguna, ngem dagiti sabali a banbanag ket maibilang laeng a nababa ti gatad na. No ipalubos mo nga ti Dios ket ayaten naka, adu ti maipaay na nga naimbag a banbanag kenka. Ti ayat na mangted ti kina-an-anay, talna, rag-o, ken tured iti panagbiag. Ipaay mo ti amin mo kenkuana ket agtignay ka a kas maysa nga ubing iti sidong na. Adalem ti kiasiasino na ket ammoem isuna iti naun-unek a pannakaamo. Iti I Juan 4:16 saritaen na, “ket dakami naammoan mi ket pinati mi ti ayat ti Dios nga adda kadatayo. Ti Dios isu ti ayat; ket ti agtalinaed iti ayat, agtaeng iti Dios ket ti Dios agtaeng kenkuana. Daytoy ti pakatungpalan ti ayat kadatayo. Tapno adda panagtalek tayo iti aldaw ti pannakaokom; ta no kasano ti kinaisuna, kasta tayo met ditoy lubong.”

Ipakaammom ti panagayat ko kadakuada

Ti pannakaammo nga ti Dios ket ayayaten naka, ikkan naka iti talged ken talek gapu ta isu ket mapagtalkan la unay. Amin nga bendisyon ket agtaud iti pannaka-ammo nga ti Dios ket ayayaten naka: dakdakkal a pammati, balligi kadagiti amin a basol, talna kadagiti puso yo, pannakaagas, biag a napnuan kadagiti regalo, ken rag-o. Amin dagitoy ket maited kenka intono ipalubos mo nga ti Dios ket ayaten naka. Masapul nga ayatem ti Dios. Mamati ka nga umuna Kenkuana sakbay nga sungbatan na dagiti amin nga dawad mo. Ti Biblia saritaen na nga “inayat tayo isuna, agsipud ta inayat na tayo nga immuna” (1 Juan 4:19).

Mabalin ko nga ibaga kenka nga masapul a makipagmaymaysa ka iti Dios, ngem kasano nga aramidem dayta? No ti Dios ket inbaga na nga makipagmaymaysaak kenkuana, agtalnaak nga agtugaw ket kunaek, “Itan ania ti sumaruno nga mapasamak, Dios? Ti kinapudno na, saan ko nga ammo no kasano ti makipagmaymaysa iti Dios agsipud ta iti agdama ket saan ko pay nga ammo nga ayayaten nak. Saan ko nga maawatan nga tarigagay na gayam nga agbalin nga gayyem ko ken agbalin

Ti Ayat ket Maysa a Relasyon

nga katakunaynay ko iti panagbiag. Isu nga masapul nga umad-dang ka ket masapul a mangrugi kan. Ikkam ti gundaway ti Dios ket isuro naka no kasano ti apag-isu a pannakipagmaymaysa kenkuana. Saanak nga mangited iti aniaman a parepareho a pamay-an iti pannakipagmaymaysa iti Dios. Tarigagay ko nga ti Nasantoan nga Espiritu ket isu ti mangidalan kenka kadagiti banbanag nga panakipagmaymaysam Kenkuana. Nasaysayaat nga ti relasyon mo kenkuana ket agbalin ka a komportable nga addaan sibubulos a rikna.



PANAGAYAT, PANAGTALEK KEN PANAMATI

“Taken Kristo Jesus uray ti pannakakugit, uray pay met ti saan a pannakakugit awan ti pannakabalin da no di ket ti pammati nga agaramid gapu iti ayat.” - Galacia 5:6

Kaaduan na kadatayo binusbos tayo ti adu a tiempo tapno maaddaan tayo iti pammati. Ammo tayo nga no awan ti pammati saan a mabalin nga maayayo ti Dios (Hebreo 11:6), isu nga adu ti agtrabaho tapno magun-od da ti pammati. Ngem ti pammati ket isu ti tignay ti Dios kadagiti puso ti tumunggal maysa, nga magun-odan laeng babaen iti napudno a relasyon pannakikadua ken panagdenggeg kadagiti sao na. Daytoy ket dumteng babaen iti panangipaltiing ti Dios. Saan ko a mabalin nga isuro kadakayo dagiti pamay-an tapno agbisin kayo iti naespirituan. Ti pammati ket isu ti ima nga manggaw-at kadagiti adu a banbanag manipud iti Dios.

Isardeng mo ti pannakidangadang mo tapno magun-odam ti pammati ken

Ipakaammom ti panagayat ko kadakuada

panangay-ayo iti Dios. Ruyam a busbusen ti tiempom para Kenkuana, ayatem isuna ket kas resulta maawat mo met ti naidumduma nga ayat na. “Ta magna kami gapu iti pammati, saan nga iti panagkita” (2 Corinto 5:7). Idi nga basbasaek daytoy nga Scriptura, nariknak nga ti Dios ket agsasao ditoy pusok kadagiti nakakaskasdaaw nga banbanag. Padpadasek ti magna babaen iti pammati. Uray pay kadagiti kababassitan nga banbanag iti biagko, kayat ko nga tunggal addang ko ket babaen ti pammati. Kas sagudayen ti sao ti Dios, mabalin ko laeng a magna babaen iti pammati kas maiyataday idiy patiek maipapan iti relasyon ko Kenkuana. Saludsudem ti bukod mo no komusta ti relasyon mo ken ni Apo Dios. Siasinuman a tao nga pasien na nga isu ket nakillo iti imatang ti Dios ket saan a mabalin nga magna babaen iti pammati. Inaramid na tayo a nalinteg iti sangoanan ti Dios babaen iti sacripicio ni Kristo Jesus (2 Corinto 5:21). Ti kinalinteg tayo ket saan a naibatay kadagiti ar-aramid tayo; naibatay daytoy iti inaramid ni Jesus. Siasinuman a tao nga mamati nga isu ket managbasol ken pasien na nga isu ket saan nga inayat ti Dios saan a mabalin nga makipagna iti pammati.

Panagayat, Panagtalek Ken Panamati

Iti Galacia 5:6 saritaen na, “ti pammati agtignay babaen iti ayat.” Adu nga tattao panunoten da nga ti kayat na a saoen dayta nga sriptura ket intono mabalin da nga ayaten dagiti sabsabali, ti pammati da iti Dios ket mabalin na metten iti agrabaho maipaay iti pagsayaaten da. Ti Dios tarigagay na nga magna tayo iti ayat ngem saan a mabalin agingga na nga ipalubos tayo nga ayaten na tayo nga umuna. Nalaka laeng: saan tayo a makaited iti aniaman no awanan tayo kadagita a banbanag. Napadasak ti nagayat kadagiti adu a tattao iti uneg ti adu a taw-tawen agsipud ta ammok nga daytoy ket bilin ti Dios, ngem kanayunak nga saan nga agballigi agingana nga immuna nga inawat ko ti pudno nga ayat ti Dios. Kalpasan dayta, simmayaat unay ti riknak, ket nanipud dayta a kanito nabalinaon ti nagayat iti napudno a panagayat kadagiti sabali. Intono mapadasam ti napudno a panagayat ti Dios, nalaka laengen ti panangawat mo kadagiti sungbat kadagiti inaldaw-aldaw nga kasapulam. Ti kinaawan ti pammati ket isu ti kadakkelan a rason no apay nga dagiti tattao ket saan da nga umawat. Ti masapul koma nga matarusan dagiti tattao ket isu ti kinapudno nga “ti Dios ay-ayaten na ida, ket tarigagay na nga sabten dagiti kasapulan da tapno umawat da iti aglaplapanan a bendisyon. Na.

Ipakaammom ti panagayat ko kadakuada

Mabalin nga kunkunam, “kayat ko nga patien dayta, ngem kasano?” Adda dita uneg mo ti ayat ti Dios, ti laeng masapul nga aramidem ket isu ti panangawat mo intono ipakita na kenka. Ti Biblia saritaen na, “Inayat tayo isuna agsipud ta inayat na tayo nga immuna.” (1 Juan 4:19). Saan nga mabalin nga maayat mo ti Dios no saan mo nga siguradoen nga umuna nga ayatem ti Dios.

Amin ket adda dita uneg mo, adda dita pusom. Ti Dios ay-ayaten naka! Pinarsua naka nga nakakaskasdaaw! Napintas ka la unay! Naguwapo ka la unay! Napnuan ka iti talento! Napateg ka iti imatang ti Dios! Ti Dios ay-ayaten naka! Awan ti nagayat kenka ditoy lubong iti kasta unay a panangayat no di laeng ti Dios. Kabayatan nga panunotem ken usigem ti ayat ti Dios, tumibtibker met ti pammatim ket makapagbiag ka iti biag nga maka-ayayo iti sango ti Dios.

Saan mo nga masapul ti siasinuman no di ti Dios, ngem adda met dagiti tattao nga ikabil na iti biagmo. Ti kinapudnona, sika ken ti Dios ket umanayen. Ti Dios ket isu ti kaimbagan nga gayyem mo. Isu ti kasingedan a gayyem mo no awanan ka iti sabali a gayyem. No awanan kan iti nagannak, Isu

Panagayat, Panagtalek Ken Panamati

ti agbalin nga ama wenno ina kenka. Isu ti agbalin nga isu-amin mo. Saan ka koma nga agkammali nga agdawat laeng kadagiti banbanag a kasapulam; dumawat ka kadagiti daddadakkel pay a banbanag para iti biagmo. Dawatem nga punuen naka iti bendisyon ken pannakapnek kenkuana (Efeso 3:16, 19).

Ti Dios inayat naka ket kayat na nga sabten dagiti amin nga kasapulam ken ipaay dagiti amin a tinarigagayan dayta pusom. Kabayatan nga agragsak ka kenkuana ipaay na dagiti banbanag iti bukod na a panangidalan ken pamay-an. Ti Dios benindisyunan naka tapno agbalin ka met nga bendisyon kadagiti sabsabali. Kasta ti aramiden ti Dios kenka, ngem masapul a patiem dayta. Ipalubos mo nga ti pammatim ket agtignay tapno mabendisyunan met dagiti sabali tapno ited da met ti dayaw ken ni Apo Dios.

Pammati Maikontra iti Aramid ti Lasag

Ti Efeso 2:8 saritaen na, “Ta gapu iti parabur (ti awan bayad na a pabor manipud iti Dios) naisalakan kayo.” Mailasin mo kadi nga awan a pulos ti masapul nga aramidem tapno maisalakan ka? Kaaduan na kadatayo nakaro unay dagiti basol tayo sakbay nga

Ipakaammom ti panagayat ko kadakuada

insalakan na tayo ni Jesus. Ti regalo na nga pannakaisalakan ket saan nga naibatay idia y kinaimbag ken abilidad tayo nga agaramid iti naimbag. Daytoy ket babaen laeng iti maysa a banag: “Ta kasta la unay ti panagayat ti Dios ditoy lubong nga inted na ti Anak na a bugbugtong tapno siasinuman nga mamati kenkuana saan a mapukaw no di ket adda biagna nga agnanayon” (Juan 3:16).

Ti parabur ket mabalin nga mailawlawag kas iti sibubulos a rikna ti Dios nga mangusar iti abilidad na tapno sabten na dagiti amin a kasapulan ti biag mo. Kas iti Dios, ti parabur ket isu ti panangited na kenka ti pammati tapno kabaelan naka nga isalakan. Iti kasta met laeng a kasasaad inikkan naka iti ayat tapno dayta a pammati ket isu ti makikonekta ken ni Apo Dios tapno dagiti amin a tarigagay ken kasapulam ket maited kenka. Mabalin nga tarigagayam nga dagiti ay-ayatem iti biag ket awaten da met ni Kristo, ngem ti kinapudnona saan mo nga mabalin nga aramiden ida nga mangayat iti Dios. Mabalin mo nga ikararag ken idawat iti Dios tapno agtignay, ngem saan mo a mabalin nga aramiden idia y bukod mo a pamay-an.

Pammali Maikontra iti Anamid ti Lasag

Dagiti aramid a linalasag ket isuda ti kanayon a mangparigat iti maysa a tao intono padasen na nga aramiden dagiti banbanag a para iti Dios. Gapu iti daytoy, awan ti naimbag a resulta na ket saan nga mangited iti aniaman a pagsayaatan. Ti Biblia saritaen na, “nga ti Dios tallikudan na, atipaen na, ken abaken na ti siasinoman agingga na nga saan na a masursuro ti agpakumbaba (1 Pedro 5:5).

Ti pammali nga inpaay na ket umanay a mangisalakan kenka. Dayta nga pammali ket addan dita uneg ti biagmo tapno isu ti pakikonektaran ti Dios a mangsabet kadagiti amin nga kasapulam. Daytoy met ti pangrugyan tapno agtalek ka kenkuana agsipud ta kayat na nga tungpalen amin nga inkarina kenka.

Kas kunaen ti Amplified Bible, Ti pammali ket isu “ti panangisanggir iti isuamin a kinataom iti Dios, naan-anay a panagtalek iti pannakabalin na, kinasirib na, ken kinaimbag na” (Colosas 1:4). Kabayatan nga ipalubos mo nga ti Dios ket ayaten naka, tumibtibker, umun-uneg ken dumakdakkal pay ti relasyon mo kenkuana. Manipud ita, makitam ti Dios nga agaramid kadagiti dadakkal pay a banbanag babaen kenka, no saan mo nga pagduduan ti napudno nga ayat na.



WAYAWAYA MANIPUD ITI PANAGBUTENG

“Awan ti buteng ken ayat, no di ket ti ayat a nagdanunan (naan-anay, perfecto) paksiaten na ti buteng; agsipud ta ti buteng addaan dusa: ti agbuteng saan pay a naaramid a nagdanunan iti ayat.” 1 Juan 4:18

Mabalin a dumteng tayo iti panawen nga ti pammati ket kasla natalna aminen, umanayen a riknaen tayo nga inayat na tayo ti Dios. Gapu iti dayta, mabigla tayo intono ti kabusor ket bakalen na tayo.

Dagiti paspasamak kadagiti biag tayo ket maaramat nga mangrukod iti pammati tayo. Dadduma nga tattao nalaka da a pasien nga ti Dios ket isu ti nangayat kadakuada no ti kapadasan da ket bin-ig a naimbag. Ngem kaaduan na, saan da a pasien nga ti Dios ket naimbag intono umay dagiti saan a naimbag a pasamak kadagiti biag da. Iti likod dagiti paspasamak, naimbag man wenno dakes, ti kinaimbag ti Dios ket saan pay a nagbalbaliw. Marukod ti pammati ti

Ipakaammo ti panagayat ko kadakuada

siasinoman intono umay ti saan a naimbag a pasamak iti biagna.

Ti kabusor iyeg na ti buteng ken saan a panamati tapno isina naka iti ayat ti Dios. Aramiden na ti kabaelan na tapno agduadua ka. Usaren na dagiti naririgat nga kapadasan iti panagbiag tapno sumiasi ka iti pagayatan ti Dios.

Intono tiempo ti adu a kapadasan ken pannakaparigat, nalaka nga mapukaw ti panagtalek iti Dios. Ngem laglagipem nga saan nga kanayon nga aramiden amin ni Apo Dios dagiti tarigagay mo kas iti namnamaem. Nangatngato ken nasaysayaat dagiti plano ti Dios ngem kadagiti plano tayo. Kayat ti Dios a balbaliwan ti kinatao tayo, saan nga dagiti kapadasan tayo. Ti Dios kanayon na nga aramaten dagiti nasakit nga kapadasan tapno isuro na tayo nga agtultuloy nga agkammatalek Kenkuana. Ti Biblia saritaen na nga, “masapul nga saan tayo nga ipalubos ti aniaman a banag nga mangisina kadatayo iti ayat ti Dios (Roma 8:35-39). Ti kasayaatan nga mabalin tayo nga aramiden intono umay ti kapadasan tayo ket ipukkaw tayo, “Apo Dios, ammok nga ay-ayaten nak, ket patiek nga dagitoy ket agaramid para iti bukod ko nga pagimbagan.”

Wayawaya Manipud iti Panagbuteng

Ti Dios kayat na tayo nga isalakan sakbay nga maladaw ti amin. Malagip yo kadi ni Lazaro? Idi nga nagsakit, ni Jesus ket naguray pay aginga nga isu ket natay, sananto tinulungan mairaman ti pamilya na. Ni Marta inbaga na ken ni Jesus nga naladaw la unay ti isasangpet na ngem inpasigurado ni Jesus nga ammo na ti ar-aramiden na. Mabalín nga ti panangipagarup tayo ket kasla saan nga agtigtignay ti Dios tayo. Ti kinapudnona, agtigtignay ti Dios saan a kas iti pamay-an tayo; saan a pulos nga maladaw nga mangipaay iti tulong. Itan, no sika ket agdama nga agsagsagaba, masapul nga ti pammattim ket awan ti panagduadua na. Saan mo nga ipalubos nga ti buteng ken pannakariribuk ket takawen na ti ayat ti Dios nga adda kenka.

Ti I Juan 4:18 ket maysa a bersikulo a napnuan iti pannakabalin: “Ti naan-anay nga ayat paksiaten na ti buteng” (NKJV). Kanayon ko nga pinampanunot dayta a bersikulo. Ti naan-anay nga ayat paksiaten na ti buteng. Ket intono mammuam nga ti naan-anay nga ayat ket maipaay kenka, saan mon nga ipalubos nga ti buteng, ket tengngelen naka. Numan pay mariknam ti buteng, makapagtultuloy ka nga mamati iti Dios agsipud ta ay-ayaten

Ipakaammo ti panagayat ko kadakuada

naka ken kankanayon nga makiadda ken mangaywan kenka.

Ti ayat ti Dios ket dakkell la unay nga isu ti nangabbong kadagiti amin a banbanag. Nausig mo kadi nga ti isu met laeng a Dios nga nangisalakan ken nangwayawaya kenka ket saan na nga ipalubos nga maabak ka? Panawan naka kadi nga awan maaramid mo? Ni Satanas ket isu ti kabusor dagiti kararua tayo. Isu ket agtatakaw ken naulbod, ngem ni Jesus kayat na nga maaddaan ka iti biag (Juan 10:10).

Iti Amplified Bible nga binasa ken inadal tayo saritaen na: “Awan ti buteng ken ayat, no di ket ti ayat a nagdanunan paksiaten na ti buteng; agsipud ta ti buteng addaan dusa: ti agbuteng saan pay a naaramid a nagdanunan iti ayat.” (1 Juan 4:18).

Kalpasan nga ti Dios ket tinulungannak tapno maawatak nga ti ayat ket isu ti mangpaksiat iti buteng, masapul a dayta nga pannaka-ammo ket ipakat ko. Iti naminsan, nadadael ti lugan mi. Ninamnama mi nga ti makina ti nasao a lugan mi ket dakkell ti perdi na ngem awanan kami iti kuarta tapno mapatarimaan mi.

Wayawaya Manipud iti Panagbuleng

Iti naminsan nga agsapa, nariknak nga pinatibker ti Dios ti pusok idi kinunana kaniak iti kastoy: “Joyce busbusem laeng ti tiempo nga mangayat kaniak, ken ipalubos mo met nga ayaten ka. Saan a masapul nga aramidem ti kabaelam nga maaddaan ti dakkal a pammati.” Ti laeng aramidem ket isu ti panagtalinaed mo iti ayat ko.”

Gapu iti dayta, nagkankantaak, inyebkas ko ti panagkantak iti Dios, ket na-addaanak iti naindaklan a tiempo kenkuana. Kalpaskan na, nanggeg ko ti timek ti asawak nga adda idiy garahe. Idi nga inlukat ko ti ruangan a kinunana kaniak, “Saan ko a maiyalis iti primera a kambio daytoy lugan tayo. Masapul nga ipatarimaan ko idiy mekaniko.”

Biniglak nga inserra ti ruangan ket kalpaskan na nariknak ti rag-o ket nagkatawaak. Dayta ket saan a gagangay nga ar-aramidek, ken saan ko nga inplano nga aramidem. Basta immapay lattan nga masapul nga agkatawaak. Agsipud ta impalubos ko nga ayaten nak ti Dios, mabalin ko ti agkatawa ken agragsak uray pay iti tengnga dagiti narigat a paspasamak. Ti panagtalinaed iti ayat ti Dios lukatan na dagiti adu a ruangan ti pammati ket artapan na dagiti buteng nga adda iti biag ti siasinoman.

Ipakaammo ti panagayat ko kadakuada

Rinugyak ngarud ti nagkatawa, dayta ket pammati. Nagkatawaak agsipud ta manipud idiyay uneg ko ammok nga ti Dios ay-ayaten nak ket siguradoak nga isu ti mangipaay iti aniaman a kasapulan.

Ni Abraham nagkatawa iti katawa ti pammati. Idi nga ti Dios napan kenkuana ket inbaga na nga isu ket maaddaan ti anak a lalaki, ni Abraham nagkatawa! Ammo na nga awan a pulos ti pamayan nga maaddaan da iti anak ken ni asawa na a Sara, ngem pinati na ti inbaga ti Dios isu nga napnuan rag-o ket nagkatawa.

Mamatiak nga no kasta ti aramiden tayo, luktan ti Dios ti ruangan tapno agaramid kadagiti nakakaskasdaaw a banbanag. Siasino koma ti agkatawa no agdama nga agsagsagaba iti problema? Ti Biblia saritaen na nga ti Dios ket adda nga situtugaw idiyay trono na sadiay langit ket katkatawaan na dagiti kabusor na. No ti Dios ket maaramid na dayta, kasta met mabalin tayo met nga maaramid agsipud ta isu ti nangayat kadatayo. No ti Dios ket kadua tayo, siasino koma ti mabalin nga tumakder a makilaban kadatayo?



TI AYAT DANUNEN NAKA

“Ket daytoy a bilin a naadda kadatayo nagtaud kenkuana: nga ti agayat iti Dios, ayaten na met koma ni kabsat na.” 1 Juan 4:21

Sika ket naisang-sangayan nga anak ti Dios. Iti Deuteronomy 7:6 saritaen na, “no rugyam ti agtignay a kas maysa a naisang-sangayan nga anak, mangrugi nga mabalbaliwan ti lubong.” No mapan ka idiaiy pagtagilakoan a napnoam iti isem ken panpanunotem nga ay-ayaten naka ti Dios, amin a banbanag ket iyurnos ti Dios. Mabalín ko nga bendisyunan ti siasinuman babaen ti ayat ti Dios nga iparíknak kadakuada. Sadinno man nga papanam masapul nga agragsak ka, ket ti rag-om isu met ti mangbendisyon kenka. Iti Salmo 100:2 saritaen na, “agserbi kayo a sirarag-o iti Apo...”

Intono rugyan tayo nga riknaen nga datayo ket inpangpangruna unay ti Dios, masapul nga agtignay tayo a maiyannurot iti pagayatan na. Mabalín tayo ti agballigi iti daytoy a lubong babaen iti ayat ni Jesus. Ti pudno nga ayat nalaka nga agsaknap. Ti ayat ti Dios nga agayus babaen kenka ket

Ipakaammo ti panagayat ko kadakuada

saan na nga parigaten ti siasinuman a tao. Ti ayat na nga agtataeng kenka ket isu ti mangpaksiat iti aniaman a buteng nga adda kenka. Daytoy met ti mangaramid nga saan ka nga masapul nga agbuteng iti aniaman nga kapadasan nga umay dita biagmo. Ti ayat ti Dios makita na dagiti kasapulan dagiti tattao ket nakakaskasdaaw nga agtignay tapno masabet dagita a kasapulan iti apag-isu a tiempo nga intuding na.

Kayay ti Dios nga patiem ti insao na nga “agaramid kadagiti dadakkel a banbanag babaen kenka agsipud ta ni Jesus ket agtataeng kenka.” Patiem kadi nga ti Dios ket mabalina naka nga aramaten? No ania ti pinatim isu ti ited ti Dios. Masapul nga saan ka nga agbuteng nga umaddang iti pammati.

Nganngani saan ko marugyan nga ibaga kenka nga naminadu a daras nga nagtakderakiti iking ti “derra-as ti pammati.” Pudno a nakaam-amak ti agtakder iti iking ti derra-as ti pammati. Kabayatan nga addaak iti kasta a panagtakder kasla ti Dios kunkunana kaniak, “Umay ka Joyce, umay ka. Aramidek dagiti dadakkel a banbanag babaen kenka.” Limmagtoak iti tengnga dagiti naka-amamak a pasamak

Ti Ayat Danunen Naka

ket naimatangak nga ti Dios ket saan naka binaybay-an.

Ammo yo kadi no apay nga saanak nga agdanag nga agtungpal uray no saanak a sigurado no agballigiak wenna saan? Agsipud ta siguradoak iti ayat ti Dios kaniak. Ay-ayatennak ket ammok nga ammo na nga ay-ayatek met isuna, ken babaen iti parabur na inpaay ko met ti biag ko a para kenkuana. No inaramid mo iti kasta, ket inayat mo ti Dios, ket ammom met nga ay-ayaten naka, iti kasta awan ti aniaman a problema nga saan mo a mapagballigian.

No ti pudno a tarigagay mo ket tumulong kadagiti tattao, ti Dios ti tumulong kenka tapno matulungam ida. Saan nga masapul nga adu ti abilidad mo, masapul laeng nga paaramat ka a kanayon kadagiti ipaaramid ti Dios, ket isun ti mangaramid kadagiti maudu a banbanag. Mabalín nga riknaem nga dagiti talentom ket gagangay da laeng, ngem laglagipem nga dagiti gagangay a banbanag no maipaima iti mannakabalin a Dios agbalin da a nakakaskasdaaw a banag.

Saan mo nga busbusen ti biag ken pigsam nga agbalin nga naimut nga naka-sentro ka

Ipakaammo ti panagayat ko kadakuada

laeng kadagiti pannakasabet dagiti kasapulam. Iyebkas mo nga dagus dagiti tarigagay mo iti Dios, kalpasan na aramidem ti kabaalam tapno dumakkelti pammattim tapno matulungam dagiti sabsabali. No ania ti kayat mo nga maaramid iti maysa a tao, aramiden ni Apo Dios dayta para kenka. No adda ti kasapulam, masapul nga agpanunot ka nga kasla agmulmula, saan ka koma nga managpanpanunot maipapan kadagiti adu a pakasapulam laeng. Kabayatan nga danonem dagiti sabsabali, ti Dios kitkitaen naka nga kasla ka agmulmula iti maysa a bukel nga dumteng to ti maysa a tiempo nga dagiti tarigagay mo ket apitem to ti bunga na.

Tunggal maysa adda tarigagay na nga bumaknang, ngem masapul nga matarusam no ania ti pudno a kayat na a sawen ti pudno a kinabaknang. Kayat ko nga ilawlawag nga ti pudno a kinabaknang ket isu daydiay panangaramat iti abilidad ti Dios nga mangsabet kadagiti amin a kasapulan iti sangoanam. Ti ayat ti Dios ket isu ti mangted kenka iti abilidad tapno masabet dagiti kasapulan dagiti sabsabali. Pinanunot mo kadi nga ti Dios ket inayat naka tapno ayatem met dagiti sabali uray pay dagiti saan a mabalin nga ayaten: dagidiay nga saan a nakaay-ayat ti kasasaad da.

Ti Ayat Danunen Naka

Narigat nga ayaten dagiti saan a maay-ayat. Ngem masapul nga umawag tayo iti pannakabalin ti Dios tapno aramiden na tayo nga saan a marigatan nga mangayat kadagiti saan nga maay-ayat. Ti ayat ti Dios nga agayus manipud kadatayo ket isu ti mangaramid nga maayat tayo dagiti saan nga maay-ayat agsipud ta daytoy nga ayat ket saan na nga sapulen dagiti adu nga panagtu-tulag.

Inawat tayo nga awan bayad na masapul nga ited tayo met nga awan bayad na. Ti ayat saan na tayo nga pagkapuyen tapno ayaten dagiti saan nga maay-ayat. Mabalín nga maaramid iti uneg ti maysa a tawen wenno lima a tawen. Wenno iti uneg iti duapulo ket lima a tawtawen. Malagip mo kadi no kasano ti panaganus ni Jesus nga nangayat kenka? Ti ayat ket naanus, naimbag ken napakumbaba. Saan na nga sapulen ti bukod na a pannakaitan-ok. Dagitoy dagiti banbanag nga inparukpok ni Jesus babaen iti ayat na tapno marikna tayo ti kasasaad dagiti napukaw a tattao.

Ti Dios ay-ayaten naka, ken ay-ayaten na met dagiti amin nga tattao nga adda iti aglawlaw mo. Ay-ayaten na ida, naisalakan wenno saan, kayat naka nga aramaten kas maysa nga pagayusan tapno inparukpok na ti ayat na kadakuada.

Ipakaammo ti panagayat ko kadakuada

Saan ka nga agbuteng, ti ayat ti Dios ket isu ti mangwayawaya kenka manipud iti panagaramid kadagiti basol. Inikkan naka pay ti pannakabalin nga agayat kadagiti sabali. Makigayyem ka nga umuna kadakuada sakbay mo nga maayat ida. Isaknap mo ti ayat ti Dios. Aramidem ti pannakigayyem mo nga agbalin a paset ti biag mo tapno sadinno man a papanam marikna da ti ayat ti Dios babaen kenka.

Ti naasideg a pannakikadua ket isu ti maysa a pamay-an nga panangipakita iti ayat nangruna para kadagiti naladingit ken maup-upay. Makisao ka kadagiti tattao iti tiempo ti panangrabii. Bisitaem ida kadagiti balbalay da. Umisem ka ket makialamano ka kadakuada. Agekam ida iti apag-isu nga agep. Mangipaay ka iti tulong kadagiti tattao kas koma iti panangilugan mo iti maysa a trabahador nga mapan idia y trabaho na. Ti ayat ti Dios ikkan naka iti tured nga mangaramid kadagitoy. Mabalin nga saan nga natan-ok nga aramid ti inaramid mo ngem dagitoy ket naidumduma iti sangoanan ti Dios. Dawatem iti Dios nga ipakita na kenka dagiti pamay-an tapno mabalin mo ida nga ayaten.



TI AYAT TI DIOS BALBALIWAN NAKA

“Ket daytoy ti ayat, saan a gapu ta ayaten tayo ti Dios, no di ket gapu ta isu inayat na tayo, ket imbaon na ti Anak na a daton a subbot (ti mangabbong a sakripisyo) dagiti basbasol tayo.” I Juan 4:10

Ti Dios inayat na tayo, ngem adu kadatayo ti saan nga makatukod iti ayat nga inpaay na. Ti Dios inpakita na kaniak nga kabayatan nga adalek dagitoy a kinapudno, aramiden na tayo nga agtignay a makaay-ayo iti sangoanan dagiti tattao nangruna iti sangoanan ti Dios intono ayaten tayo Isuna a nangnangruna ngem kadagiti isuamin.

Imulam a kankanayon ti ayat ti Dios kadagiti panpanunot mo. Dayta ti mangbalbaliw kenka. No adda ti saan mo a kayat iti paset ti biag mo, “ngem sigurado ka nga ayayaten naka ti Dios mabalin mo ti agrag-o kabayatan nga ur-urayem ti apag-isu nga panagtignay na kenka. No kanayon ka a mariribukan maipapan kadagiti kammalim, sigurado nga saan ka a makapagbalbaliw.

Ipakaammo ti panagayat ko kadakuada

Laglagipem nga ti Dios ket agtignay babaen iti pammati, ti pudno a pammati isu ti mangaramid nga makastrek ka iti agnanayon nga inana nga insagana ti Dios (Hebreo 4).

Siguradoak nga adu ti mangbasbasa iti daytoy a librok nga awanan iti apag-isu nga relasyon kadagiti bukod da a bagi. Umabot da pay iti kasta unay nga panang-gura iti bukod da a kasasaad. No sika ti maysa kadagiti agbasbasa nga mariribukan iti kasasaad ti biag na, ipalagip ko kenka nga mabalín mo nga guraen dagiti dakes nga aramid mo ngem masapul nga saan mo a guraen ti kinataom. Inayat naka ni Jesus ket natay a para kenka, ket ti kalakaan nga mabalín mo nga aramiden ket isu ti panangawat mo iti napateg a regalo na.

Ti Biblia saritaen na, “Ta kas iti panpanunoten na iti uneg na, isu kasta met” (Proverbio 23:7). No kankanayon nga madi ti riknam maipapan iti kasasaad mo, ket saan mo a maawat ti kinasiasinom, saan ka a makapagtignay a kas iti apag-isu a panpanunot mo. Daytoy ket mapasamak agsipud ta saan mo nga talaga nga matarusan dita pusom ti pannakabalin ti Dios nga mangbalbaliw kenka.

Ti Ayat ti Dios Balbaliwan Naka

Ti Dios tarigagay na nga kanayon mo a busbusem ti oras mo kenkuana. Dayta ti mangbalbaliw kenka. No saan mo nga iyuna ti Dios dita biag mo, ikab-kabil mo isuna iti lugar nga saan nga apag-isu tapno balbaliwan naka. Masapul nga mangidutok ka iti apag-isu nga oras a panangayat kenkuana tapno mariknam met ti naasideg a panangayat na kenka. Kas bunga dayta a gandat mo, agbalinka a napigsa, natured ket dumakkel ka iti relasyon mo kenkuana.

Adu nga tattao ti nalaing nga agpambar, gapu iti daytoy, ni kaanuman nga mabangon ti nasayaat a relasyon da iti Dios. Tarigagay da ti maaddaan ti nasayaat a relasyon iti Dios ngem saan da met a disiplinaan ti bukod da a bagi kas koma iti panangpasayaat da ti panagkararag ken panangadal iti Sao ti Dios. Uray pay iti panagaramid da iti naimbag maipaay kadagiti sabsabali kasapulan met laeng ti disiplina tapno agbalin a gagangay nga ugali dagiti mangay-ayat iti Dios.

Ti ayat ti Dios ket balbaliwan naka. Kabayatan nga mapadasam ti ayat na, dagiti dati nga tarigagay mo ket mabalbaliwan.

Ipakaammo ti panagayat ko kadakuada

Gapu iti daya, tarigagayam nga agbalin a kas iti kasasaad daydiay nangayat kenka. Ti panagdakkal ken panangammo kadagiti kababalin ti Dios iti biag tayo ket masapul nga isu ti kangrunaan nga tarigagay ti tunggal maysa kadayo. Ni Pablo ket tinarigagayan na nga ti kangrunaan a panggep ti biag na ket isu ti panangammo na ken ni Kristo ken ti pannakabalin ti panangungar na (Pilipos 3:10). Pangngaasim ta imutektekam, ni Pablo inkeddeng na nga ammuen ti pannakabalin ti panangungar ni Kristo.

Masapul nga igaed mo ti napudno a relasyon mo iti Dios. Mabalina mo ti maaddaan iti naasideg a relasyon kenkuana. Daya ket nakabatay iti nasayaat a panangbusbos mo iti oras ken tarigagay mo nga makiadda a kankanayan iti presensya na.

Ti Biblia saritaen na, “datayo ti mangibagi iti Dios tapno ti lubong ket maamuan na met ti ayat na.” (2 Corinto 5:20). Daya nga paset ti Surat ket kanayan na nga gutuguten ti pusok tapno maaddaanak iti kabarbaro nga pannakaawat no kasano ti kinapateg ti panagtulnog ken panangidalan ti Espiritu Santo kabayatan nga agtignay tayo tapno balbaliwan na dagiti biag tayo. Ti ayat ti Dios

naiparukpok kadagiti puspuso tayo babaen iti Espiritu Santo (Roma 5:5). Awatem, Agrag-o ka ket ipalubos mo nga balbaliwan naka!

Mapadasam Ti Baro A Biag

No saan mo pay nga inawis ni Jesus tapno agbalin nga Mangisalakan ken Apo iti biag mo, awisen ka nga aramidem daytoy itan. Agkararag ka iti kastoy a kararag, ket no napudno ka, mabalin mo a mapadasan ti baro a biag iti sidong ni Kristo:

“Ama mi nga adda sadi langit, mamatiak nga ni Jesu-Kristo ket isu ti Anak mo, ti mangisalakan iti sangalubongan. Mamatiak nga natay idiy krus para kaniak, ket inawit na ti amin a basol ko. Nagungar manipud ken patay ket nagballigi manipud ken tanem ket saan nga mabalin nga tenglen ni patay. Mamatiak nga ni Jesus ket sibibiag ket addan nga agtugtugaw idiy makanawan ti Ama. Kasapulan ka, Apo Jesus. Pakawanen nak kadagiti amin a basol ko, isalakan nak, sumrek ka ditoy pusok. Tarigagay ko ti maiyanak a mabalbaliwan. Kayat ko ti

agbiag a nga maipaay kenka. Agyamanak iti panangisalakan mo ken panangtulong mo kaniak nga agbiag iti baro a biag nga para kenka.”

Itan, patiem nga ni Jesus ket agbibiyagen dita pusom. Patiem nga sika ket napakawanen, nagbalin kan a nalinteg babaen iti dara ni Jesus, ket agturong ka idiay langit intono dumteng ti tiempo nga panawam daytoy a lubong.

Agbiruk ka iti nasayaat nga iglesya a napudno nga mangisursuro iti Sao ti Dios tapno mangrugi ka nga dumakkel iti sidong ni Kristo. Awan ti makabalbaliw iti biagmo malaksid iti pannakaammo iti Sao ti Dios. Ti Juan 8:31-32 saritaen na, “No agtalinaed kayo iti Saok, pudno a dakayo dagiti adalak; ket ma-ammoan yonto ti pudno, ket ti kinapudno wayawayaan na kayto.”

Bagbagaan kayo nga masapul nga kumpet kayo kadagiti Sao ti Dios ket masapul nga maimula da kadagiti puspuso yo. Saritaen ti 2 Corinto 3:18, “...kabayatan nga agsarming ka iti Sao ti

Mapadasam ti Baro a Biag

Dios, balbaliwan naka tapno maiyasping ka iti ladawan ni Kristo Jesus.”

Pangaasim ta agsurat ka ket ipakaammom kaniak nga inawat mo ni Jesus, ket dumawat ka kaniak iti awan bayad na nga babasaen no kasano ti apagisu nga panagrugim iti baro a biag mo ken ni Kristo.

Ti mangay-ayat kenka,

Joyce

Maipapan iti Mannurat



☞ Ni **Joyce Meyer** ket maysa kagaditi kangrunaan ken nalatak nga praktikal nga manursuro ti Santa Biblia iti entiro a lubong. Naala na ti titulo nga best selling author ti New York Times, nakapag surat ti nasuroken nga 100 nga libro a para pang ispirasyon , nga isu mismo ti kompositor. Mairaman ditoy ti *The Confident Women, I Dare You*, ken ti bou nga serye ti libro nga *Battlefield of the Mind*. Mainayon met pay ditoy ti imun-una a karet na panagsurat na maipapan kadagiti libro a maipapan ti pinursua laeng ti isip ken naduma-duma pay. Kalaksidan daytoy, ni Joyce ket nakapagpabuyan ti niribo-ribo nga audio teachings ken nakaaramiden ti kumpleto nga video library. Ti programa na iti radio ken telibesyon nga “*Enjoying Everyday Life*” ket subsubaybayan ti adu a tao ti entiro lubong.

Adu a paset ti lubong ti nadanun nan tapno mangi-sayangkat kadagiti komperensya ken managisuro.

Ni Joyce ken ti asawa na a ni Dave ket addaan uppat (4) nga anak nga ita ket nataengan da aminin. Agtataed da ita idia St. Louis, Missouri, Estados Unidos.

**Tapno maki konekta iti Mannurat,
Mabalin ti agsurat iti sumaganad:**

Joyce Meyer Ministries
P.O. Box 655
Fenton, MO 63026
USA
(636) 349-0303
Www.joycemeyer.org

Joyce Meyer Ministries – Canada
P.O. Box 7700
Vancouver, BC V6B 4E2
Canada
(800) 868-1002

Joyce Meyer Ministries – Australia
Locked Bag 77
Mansfield Delivery Centre
Queensland 4122
Australia
(07) 3349-1200

Joyce Meyer Ministries – England
P.O. Box 1549
Windsor SL4 1GT
United Kingdom
01753831102

Joyce Meyer Ministries – South Africa
P.O. Box 5
Cape Town 8000
South Africa
(27) 21-701-1056

Dagiti Sabali Pay Nga Libro Ni Joyce Meyer

100 Ways To Simplify Your Life
21 Ways to Finding Peace and Happiness
Any Minute
Approval Addiction
The Battle Belongs to the Lord
*Battlefield of the Mind **
Battlefield of the Mind Devotional
*Be Anxious for Nothing **
Be Healed in Jesus' Name
Beauty for Ashes (Revised Edition)
Being the Person God Made You to Be
Celebration of Simplicity
The Confident Woman Devotional
Do It Afraid!
Do Yourself a Favor... Forgive
Don't Dread
Eat the Cookie... Buy the Shoes
Eight Ways to Keep the Devil Under Your Feet
Ending Your Day Right
Enjoying Where You Are on the Way to
Where You Are Going
The Everyday Life Bible
Expect a Move of God in Your Life.... Suddenly!
Filled with the Spirit
"Good Morning, This Is God!"
Healing the Brokenhearted
Hearing From God Each Morning
*How To Hear From God **
How To Succeed at Being Yourself
If Not for the Grace of God
In Pursuit of Peace
Jesus – Name Above All Names
The Joy of Believing Prayer
Knowing God Intimately

A Leader in the Making
Life in the Word Devotional
Living Beyond Your Feelings
Look Great, Feel Great
Love Out Loud Devotional
Making Marriage Work (previously published as
Help Me – I'm Married!)
Managing Your Emotions
*Me and My Big Mouth! **
The Most Important Decision You Will Ever Make
Never Lose Heart
Peace
The Penny
The Power of Forgiveness
The Power of Determination
The Power of Being Positive
The Power of Simple Prayer
Power Thoughts
Prepare to Prosper
Reduce Me to Love
The Root of Rejection
The Secret Power of Speaking God's Word
The Secret to True Happiness
The Secrets of Spiritual Power
Secrets to Exceptional Living
Seven Things That Steal Your Joy
Start Your New Life Today
Starting Your Day Right
Straight Talk Omnibus
Teenagers Are People Too!
Tell Them I Love Them
Weary Warriors, Fainting Saints
When, God, When?
Why, God, Why?
Woman to Woman
The Word, the Name, the Blood

JOYCE MEYER SPANISH TITLES

Come la Galleta... Compra Los Zapatos

(Eat the Cookie... Buy the Shoes)

El Campo de Batalla de la Mente

(Battlefield of the Mind)

La Revolucion de Amor (The Love Revolution)

Las Siete Cosas Que Te Roban el Gazo

(Seven Things That Steal Your Joy)

Pensamientos de Poder (Power Thoughts)

JOYCE MEYER TAGALOG TITLE

Sabihin Mo na Mahal Ko Sila

(Tell Them That I Love Them)

BOOKS BY DAVID MEYER

Life Lines

**Study guide available for this title*



» DO YOU *really* KNOW «
HOW MUCH GOD LOVES YOU?

AMMOEM TI SAGUT TI DIOS KENKA AWAN PANANGIDUMDUMA NGA AYAT NA

Tunggal bin-i ti bilig ken ayat ti Dios ket mabalin mo nga awaten ita! Saan ka laeng nga paset ti kaadwan nga tao. Ay-ayaten naka ti Dios a kasla sika laeng ti tao ditoy lubong. Iti problema laeng, kasla iti adu a tat-tao, nalabit saan mo nga naawatan ti panagayat ti Dios, wenno naawatam dayta nga ayat ti Dios, ngem saan mo nga narikna nga pudno pay dayta nga panagayat dita pusom.

Manipud ita, basaem daytoy nga libro, ammoem dagiti sumanaganad nga adal nga mangted ti nabilig nga mensahe:

- *naadal tayo no kasanom nga maamoan ti panagayat ti Dios iti biag mo*
- *Saan nga gapu ti bukod tayo nga kina-imbag na nalak-am tayo ti ayat ti Dios*
- *Naadal tayo met, no kasano tayo nga mapadasan ti nakas-kasdaaw nga panagayat ti Dios*
- *Kasano nga mabirukan ti Dios iti tinnga ti naririgat nga kapadasan ti biag*
- *Nga ti panagayat ti Dios ket mabalin na tayo a balbaliwan ti agnanayon.*

Ti pana-ngibingay daytoy a kapanpanonotan ken dagiti naipaka-ammo maipapan ti biag, inlanad ni Joyce Meyer babaen daytoy nga libro, nga ti Sao ti Dios ken amin nga adal, ket isu't naglukat kadatayo iti ayat ti Dios... daytoy ti mangted ti rimat ken raniag iti personal a biag tayo.